

MENDI TOUR 2020

Mendi Tourrarekin mendiko pelikula onenak Eibarko Coliseon martxoak 9 eta 10ean

‘Cholitas’, ‘Treeline’, ‘Manaslu’ eta ‘Nebula’ mendiko pelikula bikainekin osatuko da programazioa, BBK Mendi Film Bilbao – Bizkaia zinemaldiko ale onenekin

PRESS KIT

Eibarko Mendi Tourraren 6.edizioa **BBK Mendi Film Bilbao-Bizkaia** zinemaldiko pelikula onenak erakusten dituen zikloa, martxoren 9 eta 11ean burutuko da.

BBK Mendi Film Bilbao-Bizkaia abenduan egin ohi da, eta Mendi Tourrak urte osora zabaltzen du mendia, abentura, muturreko kirolak, natura eta ingurumen gaiei buruzko zinemagintzaz goatzeko aukera. Iaz, 2019an, esaterako, 50 hiri eta herritan aurkeztu ziren filmak, Euskadi eta Nafarroaz batera, Errioxa, Kantabria, Asturias, Galizia, Gaztela eta Leon, Madril, Extremadura, Andaluzia, Valentzia, Katalunia, eta Aragoi.

Iazko Mendi Film-eko pelikula sarituen maila, bikaina da, beraz 2020ko Mendi Tourrak osagarri ezin hobeak ditu ikusleak inspiratzeko.

- Bilbon **Sari Nagusia** irabazitako [Treeline](#) pelikula hunkigarria.
- **Epaimahaiaren Saria** eta jendearen maitasuna irabazi zituen [Cholitas](#) Boliviako emakume mendizaleen istorioa.
- Bilbon **Ikusleen Saria** jaso zuen [Manaslu](#), **Eskaladako Film Onena**.
- Reuben Krabbe argazkilariaren erronka itzela kontatzen duen **Film Labur Onenaren** saria irabazitako [Nebula](#).

Filmak jatorrizko bertsioetan eskaintzen dira, azpidatziekin lagunduta, eta saioak Mendi Filmeko ordezkariak aurkeztuko dituzte, pelikulei eta Mendi Film zinemaldiari buruzko xehetasunak emanez, eta mendi zinemarekiko pasioa elkarbanatuz bertaratzen diren ikusleekin.

Eibarko Klub Deportiboa eta Udala dira ekitaldiaren babesleak, eta Klub Deportiboak hilabete osorako antolatu dituen mendi jardunaldietako egitarauan barneratua dago.

Sarrerak, 5€ saioko, Coliseo Antzokiko leihatilan erosi daitezke (17:30-19:30) eta baita www.kutxabank.es salmenta plataforma bitartez ere.

Hemen Eibarko programazioko Mendi Film pelikulak

Martxoak 9 astelehena



NEBULA

Film Labur Onena MF 2019

Kanada 2019

Zuz: Jay Trusler

Jatorrizko Bertsioa: EN | Azpidatziak: ES/EU

Iraupena: 13'

Reuben Krabbe argazkilari-artista kanadiarrak natura-kirol argazki sinesgaitzak sortzeko ahalmena du. Argazkilari ezaguna da gure artean, Mendi Filmen aurkeztu zen *Eclipse* film laburreko protagonista izan baitzen.



MANASLU

Ikusleen Saria MF 2019

Austria 2019

Zuz: Gerald Salmina

Jatorrizko Bertsioa: GER | Azpidatziak: ES

Iraupena: 100'

Hans Kammerlander-ek Manaslu igo zuen 2017an, Stephan Keck lagunarekin, eta eskietan osatu zuten jaitsiera, bide berri bat zabalduz. Horrela ito zuten, urteetan atzera eginda, mendi horretan bertan nozitu zituzten galeren samina. Filmak Kammerlander-en lorpen eta galera handienak dakartza gogora, historiako alpinista puntakoenetako bat dela aintzat hartuta. Bere buruari galdetzen dio ea nolatan dagoen bizirik, bere lagunik onenak mendian hil diren bitartean.

Martxoak 10 asteartea



CHOLITAS

Epaimahaiaren Saria MF 2019

Espainia 2019

Jatorrizko Bertsioa: ES | Azpidatziak: EU

Iraupena: 80'

Arena Comunicación ekoiztetxearen enegarren artelana da (*Pura Vida, Nomadak Tx, Muros, District Zero...*). Bilbon estreinatu zen mundu mailan, Lydia, Cecilia, Liita, Elena eta Dora protagonistak bertan zirela, -zinemaldira gerturatu zen ororen gozamenerako-, eta emozio asko piztu zituen, kritika onak eta Epaimahaiaren Saria jasotzez batera. **Boliviako emakume indigena mendizaleen erronka Ameriketako gailurrera, Aconcaguara, igotzea da.** Euren herrialde eta bizitzetan ere gailur hori burutzea dute, aldi berean, helburu.



TREELINE

Sari Nagusia MF 2019

USA 2019

Zuz: Jordan Manley

Jatorrizko Bertsioa: EN/JAP | Azpidatziak: ES

Iraupena: 40'

Ekoizpen estatubatuarra, **Jordan Manley** zuzendari kanadarrak ekarria. Egile honek aurretiaz erakutsiak zituen Mendi Filmen zinemagintzarako dohainak, *A Skier's Journey* deitutako seriearekin. **Mendi Filmeko Sari Nagusia** hala argudiatu zuten Epaimahaikideek: "Irudi bikainekin, pertsonaia sotilekin, soinu-banda misteriotsuarekin, argumentu sinesgarriarekin eta zientzia protagonistatzat duelarik, filmak entzun behar dugun mezua transmititzen du, geure burua eta inguruan duguna babestu ahal izateko: **zuhaitzak, Natura**".